

**Prvi sastanak radne grupe “Obrazovanje i nauka”
Subota, 12. maj 2018. godine
9:30 – 13:00 h, Bern**

U subotu, 12. maja 2018. godine održan je prvi sastanak radne grupe u oblasti obrazovanje i nauka, koji je organiziran od strane udruženja i-dijaspore u okviru inicijative «i-platform – Dijaspora za razvoj Bosne i Hercegovine».

Prvi sastanak je bio posvećen osvrtu na ciljeve i rad i-platforme, prezentaciji koncepta radnih grupa, skupljanje mogućih projektnih ideja i definiranju tematskog sadržaja kao i daljnjih koraka za budući rad u 2018. godini.

Koncept radnih grupa

Nakon kratkog uvoda i osvrta na glavne ciljeve i rad i-platforme slijedila je prezentacija koncepta radnih grupa. Glavni cilj radne grupe u oblasti obrazovanje i nauka je **uključivanje motiviranih osoba bh. dijaspore, koji posjeduju značajna znanja, vještine, iskustva i kontakte**, da se kroz rad u grupi aktivno uključe i postanu dio platforme i **unutar radne grupe razvijaju ideje, inicijative i projekte, koji doprinose razvoju Bosne i Hercegovine**, te svojim radom i angažmanom pomognu postizanju strateških ciljeva i-platforme.

Radne grupe imaju savjetodavnu kao i razvojnu funkciju. Broj članova je neograničen. Sa strane udruženja i-dijaspore u radu radnih grupa učestvuju članovi Desk Office-a, koji također vode logističku i tehničku koordinaciju i komunikaciju, kao i min. jedan predstavnik ili predstavnica Upravnog odbora.

Sastanci radne grupe biti će održani po potrebi i dinamično **2-6 puta godišnje**. Sve troškove sastanaka snosi udruženje i-dijaspore (transport, hrana, ukoliko potrebno noćenje).

Glavni rad grupe fokusira se na **razvijanje projektnih ideja i inicijativa koji su u skladu i doprinose ciljevima i-platforme, a samim tim i razvoju BiH**. Implementacija i daljnji razvoj tih ideja može se dalje odvijati van ili unutar platforme.

Inicijative i projektne ideje radnih grupa za koje je potrebno obezbijediti inicijalna sredstva ili pokrivanje određenih troškova se šalju na odobravanje Upravnom odboru, koje Upravni odbor nakon odobrenja daje na realizaciju. Desk Office u saradnji sa grupama vodi realizaciju odobrenih inicijativa i projektnih ideja.



i-platform

Pavillonweg 3
CH - 3012 Bern
Phone: +41 (0)44 461 11 59
Fax: +41 (0)31 544 15 33
info@i-platform.ch
www.i-platform.ch

Radionica

U diskusiji, koja je slijedila nakon prezentacije koncepta radnih grupa, učesnici su imali mogućnost razgovarati o svojim potrebama, nadanjima i očekivanjima tokom angažmana, kao i o analizi trenutnog stanja, planovima za budućnost kao i načinima na koji je moguće realizovati određene ideje. Teme koje su se izdvojile izmedju ostalih su:

- **Dopunska škola** u Švicarskoj, gdje bi se učio ne samo naš jezik, nego i kultura i tradicija
- **Ljetne škole, seminari, kampovi** → u BiH, mapiranje postojećih, podrška i osmišljavanje novih
- **Razmjena studenata** → Fokus na omogućavanju veće mobilnosti studenata iz BiH ka CH i omogućavanje praktikuma ili stručne prakse u CH
- **Mentorski program**
- **Transfer znanja i iskustva** na relaciji CH → BiH i obrnuto
- **The school in the cloud** → Self organised learning environment

Termini i daljnji koraci

Sljedeći sastanak radne grupe u oblasti obrazovanje i nauka biti će održan u

**Subotu, 23. juna 2018. godine
9.30 – 13.00h, u Bernu**

Glavni cilj sljedećeg sastanka je konkretiziranje projektnih ideja i inicijativa sa fokusom na izradi strategije i definisanju ciljeva prvog projektnog koncepta. Učesnici radne grupe kao i članovi i-dijaspore će takođe razmotriti koje osobe, institucije i organizacije bismo dodatno i na koji način trebali uključiti u rad grupe.

Pozivnica kao i program i daljnje informacije biti će Vam dostavljeni putem e-mail-a.